

# Мусулмоннинг мусулмон биродари олдидаги мажбуриятлари

14:03 / 26.05.2017 5856

Али розияллаҳу анҳудан ривоят қилинади: « Хар бир мусулмоннинг мусулмон биродарлари олдида 30та мажбуриятлари бордир. Ушбу мажбуриятларни адо этмаганларга мағфират йўқдир:

1. Мусулмон биродарларининг ҳатоларини кечириш.
2. Ғам-қайғуга ботганларга шавқатли бўлиш ва қариндошларга ғамхўрлик қилиш.
3. Мусулмон биродарларнинг айбларини оммага ошкора қилмаслик.
4. Ўзгаларни куфрини сезмаслик уларга эътибор бермаслик.
5. Кечиримли бўлиш.
6. Бирон бир нарса топиб олганда уни эгасига қайтариб бериш. Бошқа бир мусулмон ҳақидаги куфрли сўзларни тингламаслик.
7. Биродарларга доимо насиҳат қилиш ва тўғри йўл кўрсатиш.
8. Дўстлик ва биродарликни қадрлаш ва дўстона муносабатларни қўллаб қўвватлаш.
9. Мусулмонлар ҳақларига хиёнат қилмаслик.
10. Биродарларга меҳр кўрсатиш ва уларга илиқ муносабатда бўлиш.
11. Беморларни зиёрат қилиш ва жаноза намозларида иштирок этиш.
12. Мусулмонлар таклифини рад этмаслик.
13. Мусулмонларга ҳадя бериш ва уларнинг ҳадяларини қабул қилиш.
14. Мусулмон биродарларни меҳмонга ва тўй маросимларига таклиф этиш.
15. Яхшилик эвазига яхшилик билан жавоб бериш ва шукрли бўлиш.
16. Муҳтожларга ёрдам кўрсатиш.

17. Ўзгаларга баҳллик қилмаслик.
18. Биродарларнинг хожатларини чиқариш.
19. Уларга ён босиш ва қўллаб-қувватлаш.
20. Ширин сўз бўлиш.
21. Қарзларни ўз вақтида қайтариш.
22. Бирон нарса ўзаро тақсимланса ўз улушига рози бўлиш.
23. Адоват ва ҳақсизликни қабул қилмаслик.
24. Ҳақсизликка ва камситувга учраганларни ҳимоя қилиш.
25. Муслмон киши ҳеч қачон ўзгалар ҳаққига хиёнат қилмайди ва куфрли сўзлар билан ҳақорат қилмайди.
26. Ниманики ўзига раво кўрса биродарига ҳам шуни раво кўриш.
27. Биродарларга ёмонлик тиламаслик.
28. Муслмон киши аксирганда «Ярхамукаллаҳ» дейиш.
29. Муслмон биродарлар бирон бир нарсаларини йўқотсалар уни топишга ёрдам бериш. 30. Саломга алик олиш.